

16.

DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
*manè discutienda in Scholis Medicorum, die jovis undecimâ mensis
Martii, anno Domini M. DCC. LXXIII.*

M. NATALI-MARIA DE GEVIGLAND, Regiorum in Germaniâ Duc.
& Militum Nosocomiorum nuper Medico, Doctore Medico, Præfide.

An tabaco per nares sumpto substitui possit coffe pulveratum?



ANITATEM a libero functionum exercitio pendentem tue-
ri, roborare, restituere medicinæ votum & finis. Sed ab
istlo quod natura monstrat itinere, semper aberravit cum
aliis sociatus & quasi domesticus homo. Ruri corpus, mens
in urbibus nimium defatigatur; quos indefessum urget opus,
fugit semper amica quies; nec eadem unquam proportionem
congeruntur necessitates & commoda; mollitiæ struunt
aras. Quod pulchrum, quia bonum est, foras ejicitur; nec
laudatur quidquam, nisi jusserint animi levitas novitatum-
que sollicitudo. Tantâ autem in depravatione rerum quid aget Medicus? Omnia
nè vitia simul eradicare tentabit? Non videtur. Sed potius cum singulis cautè
mercandum. Jamjam est quod felicia speremus. Fasciis involuti non amplius
torquentur infantes; farinæ moles indigesta ab ipsorum debili stomacho plerum-
que arcetur; maternisque admoventur uberibus: gymnastica restituitur: infe-
runtur variolæ. Tôt autem inter emolumenta quæ salutaribus debentur medi-
cinæ consiliis, cur inconcussus Nicotianæ maneret abusus, quasi nil opponere
posset Medicorum sagacitas?

Sed fuites quamvis legitimas inversiones ageret Medicus in talem abusum,
quem astutiâ potius quàm apertâ vi destruat. Cur enim tam latè diffunditur?
Pauci totis naribus tabacum trahunt; plurimi verò deauratis in pyxidibus peri-
culosum condunt pulverem. Clâm, sin odio, saltem amore non prosequuntur: pa-
lâm verò profitentur ambitiosè. Sic enim apud mulierculas & homontiones ina-
nia voluptatum & ambitionis suppellectilia sanitati semper antè habita fuere. Tali
verò gloriolæ si nil concedas, vincet illa frustra que clamitabit Medicus. Taba-

2

cum ergo prohibeatur, sed superbis vanitatum ornamentis parcamus oportet. Quod si verò pixides ubique vacuas ostentabunt? nullatenus. Quisnam igitur pulvis tabacino substituetur? Plurimi supplere possunt. Sed inter omnes nullum vel iucunditate, vel utilitate casse superare constabit, postquam tabaci periculum sufficienter adumbraverimus.

I I.

NICOTIANA cujus tres sunt species ex americanis plagis oriunda, nunc apud Gallos, & in Europâ facile crescit & colitur. *Picea* dicitur in indis omnibus. In Hispaniâ & Lusitaniâ viridis semper sobolescit. Terrâ delectatur humidâ & pingui. Gustus inest acris & urens. Odore penetranti tota spargitur planta; analisique suppeditat spiritum rectorem quemdam, oleum & sal acre volatile & fixum.

Quot adversarios, tot etiam habet defensores tabacum. De ipso mira pessimaque prædicarunt. inter celebriorès de hac ce plantâ scriptores annumerandi veniunt Magnerus, Evrard, Cahausen, Schriverius, Bartholinus, Simon-Pauli, Jacobusque II Anglorum Rex. Plures etiam contra ipsius usum propugnatae fuerunt theses, inter quas non infimum tenet locum celebris illa clar. Fagon cuius nasus & præcepta nullatenus consonabant.

Nicotianæ dotes eximias pluribus in casibus negare quis ausit? Emesim & alvi fluxum violenter citet: & sic Epilepticos, testante Ludovic, sanavit in Germaniâ. Virtute spoliatum emeticâ potenter incidit; nec ideò venit in usum sat frequentem sirupus Quercetani. Si per anum injiciantur ipsius vapores tunc aquis submersi vitæ redduntur, herniæ curantur, fugantur paralyses. Masticatum apostlegmatifantis optimi vices gerit. Tractumque per nares humida dissolvit, spiritus exciât, sternutationemque promovet. Inter arma medicinæ promptissima debet ergo reponi tabacum. Sed auxilio tali ne abutamur? Ipsius enim diurnus usus non minus nocet, quam efficax est, si rarò & tempeste adhibeatur.

I I I.

CASSE semen est durum, ovatum, plano convexum, sulcatum, flavescens vel ex viridi albicans & odoris experts. Parens arbor maneret adhuc ignota nisi batavi stirpes quasdam ex mokâ advectas in horto Amsteladamentis excoluissent; & ex hinc in totam fermè Europem migrasset planta hæc. Ipsam in horto regio asseravit D. Clar. Jussieu descripsitque sub nomine jasmini arabici lauri folio.

Cassè arabicum dicitur etiam orientis. Quod ex insulâ javâ advehitur crassum est & albescit. Americanum quod sub Anglici vel Surinamensis nomine venditur variè concretum est & viride. Quod tandem ex insulâ Bourbonensi venit gallicum dicitur; non maximi faciunt. Ut autem cassè semen probè eligatur, habeatur adhuc virefcens, mediocriter crassum, compactum suaveque gustu. Quod ex oriente advehitur pro meliori sumunt: plurimi tamen surinamense anteponunt, ex eo quod citius ad nos & recentior pervenit.

Ex experimentis Stonkel, Dutour, Boecler, Houp-ton & D. Bourdelin constat cassè semen analis suppeditare sal volatile, phlegma, oleum & terram ex quâ solus Houp-ton sal fixum non extraxit. Clar. D. Bourdelin acidum se reperisse scripsit. Newman verò refinam detexit abundantem & etiam quid gummi.

Cassè tostum principium suave mittit & oleum aquæ supernatans quod

avidè turcæ captant. Si autem retortæ postea subijciatur, duo, testante D. Bourdelin, extrahuntur liquores, acidus alius, sulphureus alter. Undè concludas in cassè latere extractum gommo-resinosum, oleosæque particulas fixas necnon volatiles & suavissimas.

Rauvolfus & proser alpinus primi de usu coffe scripserunt. Simon Pauli ipsum omnino prohibuit, & in talem sententiam descenderunt Clar. Duncan & Hecquet. Ex his vero temporibus eximie cassè dotes innotuerunt, & intus sumptum non nocuit unquam, si peculiare & raro casus excipias. Cur ergo noceret extus.

I V.

NICOTIANA sale acri in eâ demonstrato pituitariam membranam titillat indefinenter; è quâ quidem titillatione duo præcipui oriuntur effectus, 1º. irritatio vicinis partibus communicatur cujus quidem communicationis invicta præbent argumenta, sternutatio, oculorum scintillatio, totiusque œconomiae exsuscitatio. 2º. Frequentior muci per nares effluxus, ut quotidiana comprobât experientia. Hujus autem derivationis abusus innumera secum mala ducit. Longissimo simul & diuturno irritationis tractu, nervi rigescunt suoque pingui sero privantur; undè numerosa morborum histericorum cohors, affectiones nervosæ, capitis dolores, insomnia, tremores. Fluxus autem immoderatus feri fieri non potest quin detrimentum patiatur humorum circulus; unde biliosis, macilentis, sanguine viscidiori præditis & debilibus adeò nocet Tabacum. Adde quòd humores ad pituitariam membranam continuo allesti cantherii vices gerant; unde finestissima ipsius suppressio, difficillimaque curatio morborum qui ab eâ pendent. Variis exindè querelis resonant actus hominum quos torquet impossibilis muci è naribuseductio, continua anxietas & insomnium: in tali casu requiritur diluens & laxans, v. g. aquæ vapor: sed ad largiorem tabaci dosim recurrunt; fitque malum pejus.

Non nunquam eo affluxu deveniunt humores ut turgescat partium ambitus naribus vicinior, undè fluxiones innumerosæque congestiones quæ ipsius usu tempestivo debellari potuissent. Crassescit Schneideri membrana, angustior evadit narium cavitas, Eustachianaque tuba, undè fiunt hebetes odoratus auditusque. Vox difficilis evadit & ingrâtè resonat. Siccescunt pulmones, marcescit corpus, labia defraudantur suo colore, verum enim flavescunt, malèque olent; turgescent alæ nasi, labiumque superius eminet; unde difformitas vultus, virus à viris aliquot & fæmineo præsertim sexu tantopere metuenda.

Quin imò sæpè sæpius fertur ad fauces tabaci pulvis, nausæ excitat, tussimque nec unquam Hemoptisim. Sal tandem ipsius corrosivum subit interiora, novicam exercet vim in primum viarum sistema, sicque vomitum (v. *Eph. Germ.*) dolores colicos, appetitus prostrationem excitat; deindeque circulationis iter relegens omnes morbos ab acrimoniâ oriundos secum ducit.

Abominandi illius pulveris incommoda perferent ipsa mens, undè sterilis imaginatio; ingrataque fit memoria. Gravè vacillat ingenium & ebrietas quædam ipsius usum frequentissimè comitatur. Quandoque (teste Lanzoni) sequuntur vertigo, apoplexia, paralisis. Quid dicemus de odore viroso quem spirat, unde à quibusdam hyosciamus peruvianus habetur? Plurimi tandem auctores ipsum (v. *art. Diâ.*) nuncupant substantiam vegetalem putredinis initio corruptam,

EX his Breviori penicillo delineatis videre est quam benè egerint Am irathes primus Turcarum Imperator , magnus Moscoviæ dux , Persarumque rex , cum suis tabacum interdixerint, legisque violatores morte vel nazi amputatione multabantur. Eodem impulsus animo summus Pontifex Urbanus primus, tabacum ex ecclesiæ sinu propulsiit.

Objecta superiùs malorum cohors caffè usum non sequeretur; tabaci, si quæ sint, dotes retineret; odoreque grato novam corpori mentique vim ingereret. Volatili principio subiret æconomix penetralia undè levitas & alacritas orirentur ; humores ad menbranam pituitariam eâ tantùm alliceret copiâ quæ cerebri molem superabundanti sero privaret. Hinc exquisitiores animi sensus , acutioraque tum auditus tum olfactus organa. Adde quod caffè pulveratum non indissolubilem secum ducat consuetudinem , facilèque nec cum periculo ab eo cessare possis.

Objicies. 1^o. Plurimi tabaci usum gratè fuerunt experti ; minimè dubitamus subenterque fatemur quod medicamenti vices optimè gerat. Sed medicamentum in statu sano prohibendum nemo nescit.

Objicies. 2^o. Caffè non est tabaco substituendum acrimoniæ causâ. Sed ex odore, gustu , chemicâque analisi , nil est in tali substantiâ quod sensus non exercet , nedum lædat.

Ex quâ commodorum & incommodorum inter pulverem caffè & tabaci collatione concludas.

Ergò tabaco per nares sumpto substitui potest caffè pulveratum.

Proponēbat Parisiis CLAUDIUS-FRANCISCUS DUCHANOY , Sequanus
Saluberrimæ Facultatis Medicinæ Parisiensis Baccalaureus , Theseos
author , A. R. S. H. 1773 , à sextâ ad meridiem

Typis QUILLAU , Universitatis & Facultatis Medicinæ Typographi.